



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
30 di yüni 2014	Jhanirha Anita	jhanirha.anita@gobiernu.cw	

SERVISIO PA OBRA PÚBLIKO TA INFORMÁ: TA BAI SERKA PARTI DI SCHOTTEGATWEG NOORD PA SERA BURAKU DEN KAMINDA

Willemstad - Servisio pa Obra Públiko, den koperashon ku Departamentu di Tráfiko di Polis, ta partisipá na tur outomobilista, ku entrante mañan 1 di yüli 2014, ta kuminsá ku e trabounan pa sera e buraku riba kaya ku tin aworaki riba Schottegatweg Noord, promé ku yega e entrada na altura di Kolegio Alejandro Paula.

Den konekshon ku esaki, lo sera un via ('rijstrook') di kada banda di Schottegatweg Noord, esta e banda di Kolegio Alejandro Paula i tambe e banda di Goisco, pa por finalisá e trabounan mas pronto ku ta posibel.

Servisio pa Obra Públiko ta kalkulá ku e trabounan lo por dura mas o menos 1 siman, pero esaki ta depende di e enbargadura di lokual ku e trahadonan konstatá na momentu ku e trabounan kuminsa mañan.

Servisio pa Obra Públiko ta pidi su diskulpa na tur outomobilista pa e inkumbinensia ku e trabounan lo por trese kune i ta pidi tur outomobilista pa kore ku koutela.

Servisio pa Obra Públiko ta bou di responsabilidat di Minister Balborda di Ministerio di Tráfiko, Transporte i Planifikashon Urbano.